

Media Title : Utusan Sarawak

Headline : KRT berperanan jaga keselamatan setempat

Date : 20 March 2022

Page : 15

KRT berperanan jaga keselamatan setempat



KENANGAN... Johnny Pang bergambar dengan Ahli Jawatankuasa Kecil (AJK) KRT Kampung Assyakinirin Fasa 2 pada majlis ringkas baru-baru ini.

BINTULU: Kawasan Rukun Tetangga (KRT) menggalas banyak tugas selain menjaga keselamatan kampung, kata Ahli Dewan Undangan Negeri (ADUN) Tanjung Batu Johnny Pang.

Menurutnya, ini kerana KRT bertanggungjawab untuk menjamin keselamatan komuniti setempat menerusi program atau aktiviti yang dilaksanakan.

"Melalui Program RT Care semasa Covid-19, KRT dapat dilihat turut memberikan pertolongan kepada golongan asnaf dan mereka yang terjejas pendapatan disebabkan penguatkuasaan Perintah Kawalan Pergerakan (PKP).

"Selain itu, melalui Zairah Perpaduan, KRT juga memperkasa tanggungjawab komuniti rukun tetangga terhadap isu,

masalah, keperluan dan kebajikan komuniti setempat," katanya pada majlis anjuran KRT Kampung Assyakinirin Fasa 2 di sebuah hotel di sini pada malam Jumaat lalu.

Justeru, beliau berharap, KRT akan terus merangka program dan menggalas tugas dalam memperkasa KRT melalui penganjuran pelbagai aktiviti.

"Misalnya aktiviti seperti gotong-royong, sukan dan rekreasi yang dapat membudayakan kehidupan sihat untuk semua golongan di samping turut dapat mengeratkan perpaduan antara satu sama lain.

"Saya sebagai wakil rakyat yang dipilih untuk DUN Tanjung Batu, akan sentiasa memberikan sokongan kepada program KRT yang dilaksanakan demi kesesuaian semua penduduk," ujarnya.